

796? Et in spem bonitatis illius consolare; quia multae miserationes Dei. Te vero super-  
post Apr. 18.  
1. Paral. 21, stetem reliquit filio carnali, ut per tuas intercessionem et elemosinas misereatur et illi.  
13. Forte in peccatis suis mortuus est; sed in misericordia<sup>a</sup> potest fieri, ut vivat, divina.  
Luc. 23, 43. Nam latro, qui in scelere suo suspensus est cum Christo; sed in misericordia salvatus  
est Christi. Noli lugere eum, quem revocare non poteris. Et si Dei est, non illum  
doleas amissum<sup>b</sup>, sed tibi in requiem gaudeas praemisum<sup>c</sup>. Si duo sunt amici, felicior  
est mors praecedentis quam subsequenter<sup>1</sup>; habet enim, qui fraterno amore pro se  
cotidie intercedat et lacrimis lavet<sup>d</sup> pristinae errores vitae. Nec dubites prodesse<sup>e</sup>  
piae sollicitudinis curam, quam pro anima illius geris. Tibi proficit et illi. Tibi ita-  
que, quia in fide facis et dilectione<sup>f</sup>; illi, ut vel poena levigetur vel beatitudo augeatur.  
1. Tim. 2, 4. Larga est et inestimabilis pietas domini nostri Iesu Christi, qui vult omnes homines  
salvos fieri et neminem perire.

Noli, ut praedixi, in tribulationibus tuis contristari; sed, si maiores tibi super-  
Rom. 8, 18. veniant, gaudeas in illis; dicente apostolo: 'Non sunt condignae huius temporis passio-  
nes ad superventuram gloriam, quae revelabitur in nobis'. Sicut aurum in igne exa-  
minatur, sic homo in camino tribulationis conprobatur.

Prov. 27, 1. Dum potestatem habeas rerum tuarum, fac ex eis elemosinam, quia nescis, quid  
ventura pariat dies. Nullus tibi dispensator fidelior potest esse, quam tu ipse. Et

Iac. 3, 2. libentius munera praecedentia nos quam subsequenter Deus accipiet. In multis enim  
1. Ioh. 1, 8. offendimus omnes, sicut Iacobus ait apostolus. Item Iohannes evangelista dixit: 'Si  
dixerimus, quia peccatum non habemus, nosmet ipsos seducimus'. Et iuxta Salamonem:  
Prov. 13, 8. 'Redemptio viri propriae divitiae'; et qui plus habet, plus exigitur ab eo. Dispensa-  
1. Paral. 29,  
15. tores saeculi debemus esse, non possessores; exules enim et peregrini sumus in hac  
vita, sicut omnes patres nostri. Illorum mors nobis nostram omni hora oculis obponat;  
et illorum bona conversatio in Christo nostrae sit eruditio vitae; quatenus, illorum in  
fide et caritate atque omni opere bono sequentes vestigia, in caelesti beatitudine vitam  
habere mereamur sempiternam.

## 106.

*Alcvinus matrem Anglicam de morte filii consolatur.*

796? post Apr. 18.

*Cod. H fol. 9-10.*

*Edd. F 164, J 63. — Migne col. 226.*

30

CARISSIMAE IN CHRISTO MATRI<sup>2</sup> FIDELIS IN CARITATE FILIUS ALCHVINUS<sup>a</sup>  
DIACONUS SALUTEM.

Multi sunt in prosperitate amici, in adversitate rari; et eo cariores, quo rariores;  
et cum seculo mutantur mentes. Quidam in felicitate alterius hilaescit, infelicitatis  
tempestatem refugit. Nam sicut lux et tenebrae variantur vices suas<sup>3</sup>, ita huius vitae  
prosperitas et adversitas variabiles sunt. Sed forti animo toleranda sunt tristitia<sup>b</sup>, quae  
accidunt<sup>c</sup>, et moderata laetitia suscipienda quae hilaescunt. Ideo mater modesta et  
pia in filii morte non multum lugere debet: magis se ipsam praeparare debet dignis  
meritis, ut ad illam perveniat vitam, ubi nemo timetur inimicus, nemo deseritur amicus.

<sup>a</sup>) misericordia S. <sup>b</sup>) amicum S. <sup>c</sup>) praemisum S. <sup>d</sup>) lavat S. <sup>e</sup>) prodidit S. <sup>f</sup>) sic  
posuit Frobenius pro Tibi itaque quae in fide facere dilectione S.

<sup>a</sup>) alchvin H. <sup>b</sup>) tristitia H. <sup>c</sup>) accedunt H.

1) Cf. infra ep. 198: Felicius vadat, qui amicos relinquit superstites sibi, quam qui superstes  
erit amicis. 2) Eadem fortasse Edithrudae reginae, ad quam priores litterae missae sunt.

3) Ad Aquil. v. 28 (Poet. Car. I, 261): Utque vices faciunt noxque diesque suas, cf. infra epp. 187. 232.

45